

直隸霍州志卷九

水利 津梁附

水有常利則田有常稔用地利以濟天時之窮用人力以補天地之缺吏治蓋莫大於此矣管子曰剽土之次日五沙五沙之狀粟焉如屑塵厲沙土之次日五塌五塌之狀纍焉如僕累州之士多五沙五塌之類夏秋之際五七日不雨則有旱象十日不雨則相率爲祈禱之事官亦不勝其勞而州東南之獲水利者視其田膏澤沾足依然黍與與而稷翼翼也顧安得馮蠡者與以切和而使之瀉散均平也

本州

汾河渠

什字村總渠一道小渠三道漑地二百八十畝

許村在州西北總渠一道小渠三道漑地四百七十八畝

退沙村在州西北總渠一道小渠五道漑地四百八十畝

白龍村在州西村上下總渠一道漑地六百九十三畝有奇

青莊村在州西總渠一道小渠二道漑地七百三十畝

寺莊村東灘總渠一道小渠三道漑地一百三十一畝有奇

聖佛村西灘總渠一道小渠二道漑地一百二十二畝有奇

辛置都在州南總渠一道小渠三道漑地一百三十一畝有奇

陳村在州西南總渠一道小渠三道漑地八百三十五畝有奇

郭莊村在州西南辛置都總渠一道小渠一道漑地一百八十三畝

辛置鎮總渠一道小渠一道漑地四十畝有奇

以上共總渠一十一道小渠三十四道漑地四千一百零三畝有奇胥汾河水利也上輪下接古有成規

山泉

玉泉卽陶唐谷水也在州東三十里西流灌田數百頃

旻水發源石鼻谷西流灌田經城西入汾又州東八里大張村有古魚池引灌田入旻

義成渠在州東南三十里出義成谷中引流灌田

霍泉源出霍山南麓分南北霍二渠溉霍州趙城洪洞田

方池在州南十五里郭莊引渠灌

章邱泉在州東十里邱家崖下

普濟泉在州南十里明萬曆間

田

圓泉在州南十五里陰地村引渠灌田

邢家泉在州東北三里引流溉田

龍池溝在州東北三里泉流灌田

羅頭泉在州東北三十五里馮村東溝南流溉田入

汾

馬跑泉在州北四十里唐太宗以泉賜杜十萬至今惟杜莊得溉田

鴨底渠在州東北三十里師家泉引以灌田
官渠在州東合大張等村引流入渠溉田
以上各泉皆發源霍山聚於汾以入河者也
趙城縣

汾河

通利渠在城西三里舊志載金興定二年邑民間張
導汾水爲渠稱閻長渠溉趙城洪洞臨汾三縣田至
臨汾仍合於汾按洪洞通利渠志云渠溉趙城石止
馬牧二村地洪洞辛村等七村地臨汾黃羊西等九

村地共二十一村地二百二十六頃八十二畝

善利渠在城西北十里元中統二年渠長郭元長等
濬渠引汾水溉石明等里地至今賴之

上廣濟渠在城西五里通志載引汾河水由稽村溉
田至李村止

下廣濟渠在城西二十里引汾河水由稽村溉田至
好義里安定里登臨里止

以上四渠皆設渠長渠司溝頭通志載明李東陽利
澤渠記云元中統間有引汾水者由趙城衛店堰而

東流合霍澗二水爲渠以溉趙城洪洞臨汾三縣田四萬畝至順元年晉寧路達魯魯花赤朶兒只因地震渠壞又濬汧口五十二小夾口十有九桔槔護夫皆具以教農興作歲久池湮水壅成化甲辰大旱太守請於當路重濬此渠引汾水於洪洞西北築壩以截其流復取霍澗之合流於羊獬壩鑿池四區窪而紱之以爲甃槽渟滹斯水又於高河築壩二丈窪十有四節啓閉以時灌溉沃饒引其餘水入流域中資萬家飲傍水地價頃至十倍據所言衛店堰引汾水合

霍澗爲渠似乎挹注之路由於河東今河東之地灌溉皆藉霍渠而通利善利廣濟各渠現在河西豈五百年間變遷一至此歟按通志又載利澤渠有明正統間以汾河利澤渠湮圯令民由縣西北引南北二霍渠經城南河大澗河亦名利澤渠則引汾東注之說信矣

霍泉

北霍渠在城東南四十里廣勝里霍山南麓溉縣東南四十里柴村等二十四村田至城北高崖村止

南霍渠與北霍渠同出霍山漑東南四十里道覺等四村至洪洞縣止

清水渠係收北霍渠遺漏之水漑東南十五里李岩等七村田至洪洞縣止

按通志霍泉出霍山南麓唐貞觀間引水分二渠名北霍南霍以十分爲率趙城得水七分洪洞得水三分宋金間定水利胥有碑北渠分三節漑趙城永樂等四十六村田五百九十二頃有奇南渠分五道一卽南霍一曰九成九成與南霍實一道以上下流分

二名一曰小霍漑道覺等四村洪洞曹生等十三村共田一百六十餘頃一曰大霍乃澗槽只動水磨亦曰清水亦合北霍諸陡門及截大蟲堰郭北澗諸水成渠漑營田等八村洪洞苗村等共田一百三十五頃有奇又平陽府志北霍南霍二渠亦概呼爲通霍渠又按通志清水渠有二一在城東三十里聚引北霍漑漏水及各堰涓滴透漏之水併北霍渠內虞家澗水胥得水八毫四絲一在城東二十里亦得三頃水併爲一渠漑趙城洪洞兩縣十四村地一千四十

頃七十六畝有奇北霍發源霍山麓下西流漑梗壁等三村清水水勢與北霍渠不同其利一也

大澤渠在城東北二十里元中統四年引至耿壁等十三村漑田一十頃

通霍渠在霍山南麓洪武五年請分北霍至趙城南霍至村名通利渠漑田六頃有奇

副霍渠明洪武三十五年此永樂初襲用洪武年號羅漢寺僧李

妙智請分南霍之小霍流至趙城北南洞里名副霍

渠漑田二十餘頃

通志平陽府志縣志皆作二千頃誤

利澤渠明正統間知縣王或以汾河利澤渠堙圯令民由北二里賈村引南北二霍渠經城南合大澗河亦名利澤渠漑田千頃有奇

以上霍泉各渠各立渠長渠司溝頭每村鑄立陡門一座其分寸陡口具載渠條毋得增減渠底濶一丈六尺分爲三節週而復始

按通志平陽府志縣志紀載以上各渠皆隨手編入今稍次第之眉目一清矣

李升階縣志據水利渠冊更有下紀落渠灌地一百

五十餘畝耿谷渠灌地五十三畝苑川渠灌地一千畝此分大澤渠爲三而異其名者也又有跑蹠渠益澗渠後溝渠窰子渠在城北引溝澗之水灌田三百五十餘畝又城西有下河渠灌地六百五十九畝潤澤渠灌地三百六十三畝皆引汾水與通利廣濟相類者也

靈石縣

東鄉

旌介村渠源出介邑巖溝自介邑興地村河神廟引水灌村地餘水注小水河入汾

集廣村一渠接旌介村西河口灌地餘水注小水河入汾

靜昇村三渠引本村天河內馬頭小河黑水溉地餘水注小水河入汾

尹方宋家圪塔一渠接靜昇河灌二村地
蘇溪南堡一渠接靜昇河灌二村地

上村王家圪塔李家溝二渠接小水河灌三村地
下莊北王中二渠一接靜昇河一接草橋溝泉灌二

村地

草橋溝村渠一道接韓家莊泉灌五莊等地餘水注小水河入汾

沙峪溝一渠接小水河灌地餘水入汾

縣城東門外一渠灌東門外地餘水入汾

大柏溝村小柏溝村張嵩村渠一道係接柏溝峪泉其水灌溉三村地餘水注靜昇河歸小水河入汾

馬和村渠引本村三官廟底泉灌地餘水注靜昇河此渠泉低渠高不能他灌也

靜林頭村渠接三奇溝婆婆泉灌地餘水注靜昇河軍寨曲陌楊家園一渠引河北後悔溝龍王灘各泉灌三村地餘水注梧桐河合小河水入汾

南頭下寨葫蘆頭東西等村一渠接河南後悔溝龍王灘各泉灌各村地餘水入梧桐河

南王中村渠接梧桐河灌村地

東南鄉

二溝村渠接戰坡底石門口泉灌地餘水注仁義河峪口村東村灣立村西村前後莊立村師家溝河南

村二渠接石膏山白洋河戰坡底石門口南不來溝北不來溝四溝水灌入村地餘水注仁義河

南立村一渠又接西村泉灌地餘水亦入仁義河道遷地窑上村灣立村一渠接仁義河灌三村地

南鄉

仁義鎮二渠道遙嶺一渠王家溝一渠皆接仁義河灌各村地

三教村渠接王家溝村外泉灌地餘水注於汾

南關村渠二道一引汾水一引仁義河灌南關王莊

等村地王莊西之石櫃村道美村亦開渠二道灌二村地

溝峪灘村許家店村各引村水開渠灌地

梁家圪塔一渠灌梁家圪塔夏門等村地

張家莊自玉成灘開渠引汾水灌莊地

城南玉成村渠引玉成灘水灌地

北鄉

河東索洲鎮村北甕門渠一道灌索洲等村地

河西自景家溝起一渠灌下莊河洲劉家莊等村地

張家峪村南臨河渠一道灌水頭鎮等地

縣城東門一渠由水頭河開渠溉東南門外地

縣城西門外渠灌西北南三門外地

城下三渠縣舊無井乃於城垣下鑿三暗渠一在東門一在北門俱導入小水河之水一在西門引汾水灌溉澣濯取資爲便然日久疏濬之功亦不能少輟小水北渠知縣路一麟開長一十五里附近居民資灌溉之益

小水河源出縣東北四十里綿山白石谷居民引渠

灌田

萬金堤卽北門外小水河堤也縣當東山諸水下流開縣時築以護城屢塌屢修明萬曆乙亥知縣白夏加築易今名後尋圯

國朝順治間知縣徐來麟李廣生相繼修築康熙十年又塌百餘丈水入東南門內知縣侯應圭復加修砌雍正三年知縣梁應宸再修十二年知縣胡永澤易土以石計三百丈有奇又於堤外築小堰八十九丈民立石號曰胡公堤嘉慶十一年七月淫雨漲溢水

入東北二門十三年知縣陶廷颺重修煨灰砌石計長一百六十餘丈二十一年七月冲决東北面三十餘丈知縣王志融重修並於堤下添砌石根以遏水勢

按溝渠之利亦因地與水猶能相就耳山西多依山爲田所望者雨澤耳一遇曠乾則坐視而莫之救夫東南各省火耕水耨濱河之地雖懸崖十數丈製車盤耳由近及遠無不田疇潤渥嘗聞上海喬敬亭先生官同州時製耳水輪車試行於高原之地河岸高

二丈有餘一人運動水緣而上直達田疇其車環列二十八筭每筭各容水二升一車所費不過六七金而一日之功可灌田一十五畝若河流湍激之處水觸其樞自能運動更可不煩人力雖遠水之地未能概施於此濱河之地用之亦少補農功之缺故附記於此

津梁

本州

南橋初名安濟乾隆四十六年建嘉慶四年修二十二年州吏目胡鸞勸紳民捐貲重修知州顧紹先記

北橋 卽鳳棲橋元初建 國朝乾隆六年修嘉慶二十二年邑人勸捐重修吏目胡鸞董工知州顧紹先記

鄭家溝橋 卽通濟橋明正德間建嘉靖間修 國朝康熙乾隆間繼修嘉慶二十年復修二十二年

邑人勸捐繼修吏目胡鸞董工知州顧紹先記

以上皆石橋

汾河浮橋 卽西橋嘉慶二十五年知州劉斯裕倡捐集經費詳存案碑

文錄附於後

霍州直隸州知州劉為詳請立案事竊照卑州西城緊靠汾河其煤炭糧食等項半產河西肩挑客販絡繹不絕前州單牧治霍時春夏水漲則設渡船以濟行人秋冬水消則造木橋以通商販由來已久民甚

直隸霍州志

卷九

水利

賴焉其渡船一項係沿河村民自行製備且所費無多不致竭蹶惟木橋長及一里需料甚多秋造春折工費亦鉅並須添補木植計每歲工料總得百金方可歲事此項經費本係首事向店戶居民募化無如衆心不一往往不能應時建造而商販不無病涉之虞卑職到任以來悉心體察此橋為州西大路必須籌及久長免致每年掣肘隨首先倡捐並傳諭各紳士互相勸助若得積有成數以之生息庶經費有資俾可一勞永逸茲據首事廩貢生朱調元捐職州同王儒珍等呈稱為橋工經費有資呈懇詳請立案發之疾苦興利除弊凡益民生無不厘念而於西橋一事尤再三加意因歲舉時修物力維艱勸募不易特捐清廉為齊民倡率並諭生等互相勸助茲紳士商民踴躍樂輸共得錢壹千伍百千文除上年建造工於距橋相近之處買地一段創造瓦房作為公所此兩項共計用錢伍百千文外淨剩錢壹千千文若權

子母每歲息金可得錢壹百千文約數歲修之用竊
思議交里人董成其事不無誠實可靠之人第恐日
久或有侵挪散失之弊爲此公懇仁憲格外施恩詳
請立案發商生息庶幾行之久遠商民享其利物產
資其通冬無病涉之虞歲有添修之費一勞永逸惠
莫大焉理合將錢文繳案聯名具懇伏祈恩准等情
據此查此項捐資既經積有成數若竟交該首事等
自行經理恐致日久弊生自應官爲發商生息其息
銀按一年一分仍飭令各商於每年八月內繳齊發
給首事購料製造工完之日着令報官查驗俾免侵
冒之弊所有捐錢人名仍令該首事等自行查明勒
石以獎善舉除將繳到錢文發給各商取領附卷外
理合將公捐經費緣由詳明憲臺批示立案實爲公
便再此項工程係歸紳民經理請免造冊報銷合併
聲明道光三年癸未仲秋刻石 霍州直隸州爲詳
請立案事竊照卑州申詳紳士捐輸橋工經費銀兩
一案蒙 批如詳立案並免造冊報銷此繳等因蒙
此當飭遵照去後茲該首事貢生朱聖時捐職州同

直隸霍州志

卷九

水利

古

王儒珍等稟稱竊本州西橋經費前蒙仁憲倡捐並
諭生等勸助共得錢壹千伍百千文當經稟明將壹
千千文詳請發典生息其伍百千文作爲上年添制
工料並欲購買基地建造堆貯舊料公所之用已蒙
詳明在案惟查此橋每年折造工費浩大所得息銀
恐不敷用茲生等因距橋相近向有井房兩間稍加
修葺尚可堆貯木植其建造公所之處可以從緩至
上年添制工料一項現經復行勸捐足以彌補所有
前存錢伍百千文仰懇再爲詳明一并發典生息俾
經費得以裕如永無掣肘之虞爲此籲懇恩准轉詳
等情據此查此項經費每年折造爲數甚鉅該紳士
等稟請將現存錢伍百千文併發典生息免得臨時
掣肘亦屬實在情形似應俯如所請除將繳到錢文
發給各商行息均於八月將息銀繳齊一併發給經
管首事置辦外理合詳請憲臺批示立案再從前原
案係歸民經理詳免報銷此次續捐之銀亦請免其
造報合併聲明道光
二年癸未仲秋刻石

趙城縣

通濟橋

俗名莊裏橋在城北十里 國朝康熙五十六年邑人秦珍祚蔡文鼎等經始雍正元年工竣

乾隆元年邑人陳元文翟君錫勸修二十三年知縣李升階倡修

國士橋

在上紀落里明正統間知縣何子聰建嘉靖四十四年主簿趙田重修

永利橋

在城北二十里舖明知縣賀國定重建校官實經記 國朝康熙十年知縣袁鼎九重修

青石橋

在城北五里窰安鎮北堡門外明知縣賀國定縣丞王九有主簿趙田典史林仲由同建實經

記

屈項橋

在屈項舖

以上皆石橋

直隸霍州志

通惠橋

在城北里窰子

大澗橋

在城北里許

清寧橋

在城南三里

關神橋

在城東四里

嵇村渡

在城西北二里

好義渡

在城西一里

石止渡

在城西南十五里

以上三渡冬春設草橋夏秋設渡皆民工

靈石縣

中流砥柱橋北門外

三便橋縣東門外

仁義橋在仁義河

永固橋在冷泉鎮西北明知縣黃鑑建久廢今設渡船

夏門渡橋在村東

雙池橋縣西雙池鎮久廢

石曲渡在道美里

以上諸渡口俱汾水經流處冬春木石成橋夏秋折

卸

直隸霍州志

卷九

水利

六

天險橋

即惠濟橋縣南二十五里郭家溝上嘉靖七年知縣稍騰漢建木橋萬曆二年知縣白夏易磚

石

張家峪橋

在村南

索洲橋

索洲鎮西南

燕家園橋

小水鎮西南

梁家圪塔橋

在村東

南關橋

南關西

兩渡橋

在曹村里

通濟橋

在高壁鎮有蘭陵蕭珙碑記歲久剝蝕文字尚可句讀

曾氏橋 在陰地關

軟橋 在城南里許石墩上架木為梁

以上十處石橋

河洲渡船 在村東

軍營坊渡船 在村東

張村渡船 在村南